

Pelan Enrich Life

Melengkaphi hidup anda sepanjang hayat.



eTiqa
Insurans Hayat

Manfaat-manfaat yang dibayar di bawah produk yang layak adalah dilindungi oleh PIDM sehingga had perlindungan. Sila rujuk Brosur Sistem Perlindungan Manfaat Takaful dan Insurans PIDM atau hubungi Etiqa Life Insurance Berhad atau PIDM (layari www.pidm.gov.my). | Ahli PIDM

Pelan Enrich Life

Dari saat anda memasuki alam kerjaya ke gerbang perkahwinan, sehingga fasa keibubapaan dan persaraan, kami tahu bahawa anda mempunyai impian dan aspirasi pada setiap peringkat dalam kehidupan.

Pelan Enrich Life memberikan anda fleksibiliti yang luas untuk keperluan insurans anda dan orang yang tersayang. Pelan ini menawarkan pelbagai rider terbaik untuk menepati gaya hidup anda hari ini dan masa hadapan.

Pelan Enrich Life

Pelan Enrich Life merupakan polisi asas insurans hayat seumur hidup berpremium tetap dan tanpa penyertaan, yang mana manfaat-manfaat tambahan boleh ditambah untuk memenuhi pelbagai keperluan dan gaya hidup anda.

Manfaat-manfaat polisi asas adalah seperti berikut:

a. Manfaat Kematian

Sekiranya berlaku kematian, Jumlah Yang Diinsuranskan polisi asas yang anda pilih akan dibayar, ditolak sebarang pembayaran yang telah dibuat di bawah Manfaat Hilang Upaya Menyeluruh dan Kekal.

b. Manfaat Hilang Upaya Menyeluruh dan Kekal (HUMK)

Sekiranya berlaku HUMK sebelum hari lahir ke-64, anda akan dibayar Jumlah Yang Diinsuranskan polisi asas yang anda pilih. Apabila HUMK disahkan oleh Syarikat, Jumlah Yang Diinsuranskan polisi asas sehingga RM1 juta akan dibayar, dan sebarang lebihan Jumlah Yang Diinsuranskan polisi asas yang melebihi RM1 juta akan dibayar setahun selepas pembayaran pertama. Jumlah manfaat HUMK mungkin berkurangan berdasarkan had jumlah daripada semua polisi dengan manfaat HUMK.

Jika Orang Yang Diinsuranskan bagi polisi ini meninggal dunia atau HUMK sebelum hari lahir ke-4, jumlah agregat daripada Jumlah Yang Diinsuranskan yang dipilih sehingga RM200,000 akan dibayar. Baki sebarang jumlah agregat yang melebihi RM200,000 akan dibayar mengikut jadual berikut:

Umur Hari Lahir Berikutnya	% Jumlah Agregat Yang Diinsuranskan
1	20%
2	40%
3	60%
4	80%

Kelayakan dan Umur Tamat Tempoh

Anda layak untuk memohon Pelan Enrich Life jika anda berumur sekurang-kurangnya 14 hari dan tidak lebih daripada 55 tahun. Manfaat-manfaat di bawah polisi asas akan terus melindungi anda sehingga ulang tahun polisi sebelum hari lahir ke-100 anda, atau penamatan polisi.

Rider Bertempoh

Anda boleh menyertakan Rider Bertempoh untuk menambah amaun Jumlah Yang Diinsuranskan anda dengan manfaat yang berikut:

Manfaat Kematian

Jumlah Yang Diinsuranskan Rider Bertempoh yang dipilih akan dibayar apabila berlaku kematian.

Rider Tambahan

Hilang Upaya Menyeluruh dan Kekal (HUMK) untuk Rider Bertempoh

Anda mempunyai pilihan untuk menambah perlindungan HUMK kepada Rider Bertempoh dengan manfaat berikut:

Manfaat HUMK

Anda akan dibayar Jumlah Yang Diinsuranskan Rider Bertempoh yang dipilih sekiranya berlaku Hilang Upaya Menyeluruh dan Kekal.

Kelayakan dan Umur Tamat Tempoh

Anda layak untuk memohon Rider Bertempoh dan rider tambahannya jika anda berumur sekurang-kurangnya 17 tahun dan tidak lebih daripada 55 tahun. Manfaat-manfaat di bawah rider ini akan terus melindungi anda sehingga ulang tahun polisi sebelum hari lahir ke-65 untuk manfaat kematian dan hari lahir ke-60 untuk manfaat HUMK atau penamatan polisi asas atau rider.

Jika bukan serangan jantung, anda mungkin akan diserang kanser.

1 daripada 4 rakyat Malaysia akan mendapat kanser sebelum usia 75 tahun dan 23% daripada jumlah kematian adalah berkaitan dengan jantung.

Sumber: Persatuan Kebangsaan Kanser Malaysia dan Pertubuhan Kesihatan Sedunia (WHO), 2014

Setiap tahun, kadar inflasi bagi perubatan di Malaysia meningkat sekurang-kurangnya 10%, akan mempengaruhi perbelanjaan perubatan. Ia bukan suatu yang mudah, tetapi adakah anda, atau keluarga anda, dapat menampung perbelanjaan ini jika anda menghidapi penyakit yang kritikal?

Rider perubatan kami boleh membantu anda mencari jawapannya. Sama ada fi kemasukan ke hospital atau rawatan bagi penyakit kritikal, pelan kami direka untuk menjaga setiap keperluan anda apabila anda menjadi sakit. Kerana lebih banyak anda dilindungi, lebih tenang fikiran anda.

Medical Plus

Sila rujuk kepada senarai manfaat perubatan berikut sekiranya anda berhadapan dengan keadaan yang memerlukan anda dimasukkan ke hospital.

Jadual Manfaat

Manfaat	Jenis Pelan				
	Pelan 1	Pelan 2	Pelan 3	Pelan 4	Pelan 5
Had Sepanjang Hayat Keseluruhan	Tiada Had				
Had Tahunan Keseluruhan	RM100k	RM150k	RM200k	RM1juta	RM1.5juta
Manfaat Pesakit Dalam					
Caj Bilik dan Makanan Di Hospital (had RM harian)	RM150	RM200	RM300	RM400	RM500
Caj Bilik dan Makanan Di Hospital (had bilangan hari tahunan)	Tiada Had				
Caj Unit Rawatan Rapi (Tiada had hari tahunan)	Seperti yang Dikenakan				
Fi Pembedahan					
Fi Pakar Bius					
Fi Bilik Bedah					
Caj Bekalan & Perkhidmatan Hospital					
Caj Lawatan Pakar Perubatan / Pakar Dalam Hospital (had 2 lawatan harian)					
Manfaat Penjagaan Harian (had RM harian)					
Manfaat Penjagaan Harian (had bilangan hari tahunan)	120 hari				
Elaun Tunai Di Hospital Kerajaan (had RM harian)	RM200				
Elaun Tunai Harian Di Hospital Kerajaan (had bilangan hari tahunan)	Tiada Had				
Fi Laporan Perubatan (had RM setiap Penghospitalan)	RM100				

Manfaat	Jenis Pelan				
	Pelan 1	Pelan 2	Pelan 3	Pelan 4	Pelan 5
Manfaat Pesakit Luar					
Caj Ujian Diagnostik Pra Hospital atau Fi Rundingan Pakar (dalam 60 hari sebelum Penghospitalan)	Seperti yang Dikenakan				
Caj Rawatan Selepas Penghospitalan (dalam 90 hari selepas pelepasan)	Seperti yang Dikenakan				
Caj Rawatan Fisioterapi Pesakit Luar (had RM tahunan, dalam 90 hari selepas pelepasan atau pembedahan)	RM1,000				
Caj Rawatan Kecemasan Pesakit Luar Akibat Kemalangan	Seperti yang Dikenakan				
Caj Rawatan Kecemasan Pergigian Akibat Kemalangan					
Fi Ambulans					
Caj Penjagaan Kejururawatan di Rumah (had RM harian)	RM100				
Caj Penjagaan Kejururawatan di Rumah (had bilangan hari tahunan)	60 hari				
Fi Pembedahan Balik Hari	Seperti yang Dikenakan				
Fi Rawatan Kecemasan Sakit Pesakit Luar (had RM setiap keadaan perubatan)	RM100				
Kanser, Dialisis dan Pemindahan Organ					
Caj Rawatan Dialisis Buah Pinggang Pesakit Luar	Seperti yang Dikenakan				
Caj Rawatan Kanser Pesakit Luar					
Pemindahan Organ (terhad kepada satu (1) Pemindahan Organ setiap polisi)					
Manfaat Lain					
Caj Pengamal Perubatan Alternatif (had RM tahunan, dalam 90 hari selepas pelepasan)	RM200				

Tiada Insurans Bersama

Rawatan anda ketika dimasukkan ke hospital akan ditanggung sepenuhnya oleh Etiqa dengan syarat kadar bilik dan penginapan hospital setiap hari adalah tertakluk pada jenis pelan yang anda pilih. Jika anda memilih untuk menaik taraf atau dimasukkan ke hospital dengan kadar harian melebihi jenis pelan yang anda pilih, anda perlu membayar perbezaan antara bayaran bilik dan penginapan hospital yang lebih tinggi dan bilik dan penginapan hospital berdasarkan pelan anda, ditambah 20% daripada caj-caj lain seperti yang ditunjukkan dalam bil hospital.

Kad Kemasukan Hospital Tanpa Tunai

Anda hanya perlu menunjukkan kad kemasukan anda untuk menikmati manfaat-manfaat pelan yang anda pilih. Kad semua-dalam-satu ini memastikan setiap kemasukan dan keluar di panel hospital kami adalah lebih mudah dan tanpa tunai.

Kelayakan dan Umur Tamat Tempoh

Anda layak untuk memohon Medical Plus jika anda berumur sekurang-kurangnya 30 hari dan tidak lebih daripada 65 tahun. Manfaat-manfaat di bawah rider ini akan terus melindungi anda sehingga ulang tahun polisi sebelum hari lahir ke-88, penamatan polisi asas atau rider atau bayaran manfaat di bawah rider ini telah mencapai had keseluruhan.

Kadar Premium Tahunan

Pilih 1 daripada 5 pelan yang boleh didapati yang bersesuaian dengan keperluan anda:

Jadual Premium Untuk Lelaki

Hari Lahir akan datang	Premium Tahunan (RM)				
	Pelan 1	Pelan 2	Pelan 3	Pelan 4	Pelan 5
1 - 5	1,061.72	1,209.72	1,546.95	1,920.58	2,306.31
6 - 10	798.16	910.32	1,169.28	1,444.80	1,732.42
11 - 15	798.16	861.51	1,169.28	1,444.80	1,732.42
16 - 20	855.17	923.04	1,252.80	1,548.00	1,856.16
21 - 25	827.86	893.64	1,215.72	1,508.76	1,807.08
26 - 30	827.86	893.64	1,215.72	1,508.76	1,807.08
31 - 35	830.52	974.16	1,317.36	1,634.16	1,960.20
36 - 40	853.95	1,002.00	1,356.00	2,002.06	2,546.21
41 - 45	1,003.89	1,178.40	1,593.60	2,476.50	2,879.32
46 - 50	1,225.23	1,438.80	1,939.20	3,838.90	5,222.88
51 - 55	1,598.55	1,878.00	2,527.20	4,410.00	6,250.86
56 - 60	2,371.71	2,787.60	3,733.20	6,001.60	7,563.78
61 - 65	3,503.91	4,119.60	5,510.40	10,722.82	14,659.85
66 - 70	5,225.67	6,145.20	8,210.40	17,735.27	21,493.88
71 - 75	7,930.71	9,327.60	12,452.40	20,062.08	24,371.88
76 - 80	12,036.21	14,157.60	18,894.00	24,787.98	30,168.03
81 - 85	18,278.61	21,501.60	28,686.00	35,845.20	43,216.80
86 - 88	27,758.49	32,654.40	43,556.40	54,434.40	65,634.00

Jadual Premium Untuk Wanita

Hari Lahir akan datang	Premium Tahunan (RM)				
	Pelan 1	Pelan 2	Pelan 3	Pelan 4	Pelan 5
1 - 5	1,061.72	1,209.72	1,546.95	1,920.58	2,306.31
6 - 10	798.16	910.32	1,169.28	1,444.80	1,732.42
11 - 15	798.16	861.51	1,169.28	1,444.80	1,732.42
16 - 20	712.64	769.20	1,044.00	1,290.00	1,546.80
21 - 25	778.13	840.00	1,161.60	1,435.20	1,718.40
26 - 30	778.13	840.00	1,161.60	1,435.20	1,718.40
31 - 35	802.95	942.00	1,284.00	1,590.00	1,905.60
36 - 40	986.55	1,158.00	1,567.20	2,044.98	2,598.74
41 - 45	1,219.11	1,431.60	1,929.60	2,802.39	3,457.44
46 - 50	1,496.55	1,758.00	2,367.60	3,592.66	4,603.56
51 - 55	1,843.35	2,166.00	2,907.60	4,564.73	6,356.02
56 - 60	2,297.25	2,700.00	3,619.20	5,818.94	7,328.88
61 - 65	3,191.79	3,752.40	5,018.40	9,455.02	14,032.59
66 - 70	4,663.65	5,484.00	7,328.40	17,835.48	21,936.17
71 - 75	7,075.95	8,322.00	11,112.00	20,119.62	24,921.15
76 - 80	10,738.77	12,631.20	16,857.60	25,064.26	30,976.78
81 - 85	16,307.97	19,183.20	25,592.40	31,978.80	38,556.00
86 - 88	24,767.85	29,136.00	38,863.20	48,566.40	58,557.60

Kadar premium di atas akan dikenakan mengikut umur hari lahir berikutnya semasa pembaharuan tahunan polisi anda. Kadar premium mungkin berbeza daripada jadual di atas mengikut kelas pekerjaan, dan status kesihatan anda berdasarkan penilaian yang dibuat oleh pihak Syarikat semasa permulaan rider.

Penyakit Kritikal Premier

Anda akan dibayar Jumlah Yang Diinsuranskan Rider Penyakit Kritikal Premier yang dipilih jika anda didiagnosis dengan salah satu daripada 36 Penyakit Kritikal yang dilindungi seperti berikut dan bertahan sekurang-kurangnya 30 hari selepas tarikh diagnosis:

1. Penyakit Alzheimer/ Demensia Teruk	13. Ensefalitis – <i>mengakibatkan ketidakupayaan kekal untuk melakukan Aktiviti Kehidupan Harian</i>	25. Sklerosis Multipel
2. Angioplasti dan Rawatan Invasif Lain untuk Penyakit Arteri Koronari	14. Kegagalan Hati Tahap Akhir	26. Distrofi Otot
3. Meningitis Bakteria – <i>mengakibatkan ketidakupayaan kekal untuk melakukan Aktiviti Kehidupan Harian</i>	15. Penyakit Paru-paru Tahap Akhir	27. Virus Kurang Daya Tahan Manusia (HIV) Dijangkiti Melalui Pekerjaan
4. Tumor Otak Benign – <i>keterukan tertentu</i>	16. Hepatitis Viral Fulminan	28. Kelumpuhan Anggota
5. Buta – <i>Kekal dan Tidak Boleh Pulih</i>	17. Serangan Jantung – <i>keterukan tertentu</i>	29. Penyakit Parkinson – <i>mengakibatkan ketidakupayaan kekal untuk melakukan Aktiviti Kehidupan Harian</i>
6. Pembedahan Otak	18. Pembedahan Injap Jantung	30. Hipertensi Arteri Pulmonari Primer – <i>keterukan tertentu</i>
7. Kanser – <i>keterukan tertentu dan tidak melindungi kanser tahap awal</i>	19. Kegagalan Buah Pinggang – <i>memerlukan dialisis atau pemindahan buah pinggang</i>	31. Penyakit Arteri Koronari Serius
8. Kardiomiopati – <i>keterukan tertentu</i>	20. Hilang Keupayaan Bertutur	32. Strok/Angin Ahmar – <i>mengakibatkan defisit neurologi kekal dengan simptom-simptom klinikal berterusan</i>
9. Anemia Aplastik Kronik – <i>mengakibatkan Kegagalan Kekal Sumsum Tulang</i>	21. Trauma Kepala Major (teruk) – <i>mengakibatkan ketidakupayaan kekal untuk melakukan Aktiviti Kehidupan Harian</i>	33. Pembedahan Aorta
10. Koma – <i>mengakibatkan defisit neurologi kekal dengan simptom klinikal yang berterusan</i>	22. Pemindahan Organ Utama/ Sumsum Tulang	34. Lupus Eritematosus Sistemik Dengan Komplikasi Buah Pinggang Yang Teruk
11. Pembedahan Pintasan Arteri Koronari	23. Penyakit Sistik Medular	35. Penyakit Terminal (Membawa Maut)
12. Pekak – <i>Kekal dan Tidak Boleh Pulih</i>	24. Penyakit Neuron Motor – <i>defisit neurologi kekal dengan simptom klinikal berterusan</i>	36. Kelecuran Tahap Ketiga – <i>keterukan tertentu</i>

Nota: Bagi Angioplasti dan Rawatan Invasif Lain untuk Penyakit Arteri Koronari, hanya 10% daripada jumlah manfaat, tertakluk pada jumlah maksimum sebanyak RM25,000 akan dibayar. Baki Jumlah Yang Diinsuranskan rider akan dibayar sekiranya anda disahkan menghidap salah satu daripada 35 penyakit kritikal yang lain.

Jika Orang Yang Diinsuranskan bagi polisi ini didiagnosis dengan penyakit kritikal sebelum hari lahir ke-4, jumlah agregat daripada Jumlah Yang Diinsuranskan yang dipilih sehingga RM200,000 akan dibayar. Baki sebarang jumlah agregat melebihi RM200,000 akan dibayar mengikut jadual berikut:

Umur Hari Lahir Berikutnya	% Jumlah Agregat Yang Diinsuranskan
1	20%
2	40%
3	60%
4	80%

Kelayakan dan Umur Tamat Tempoh

Anda layak untuk memohon Rider Penyakit Kritikal Premier jika anda berumur sekurang-kurangnya 1 tahun dan tidak lebih daripada 65 tahun. Manfaat di bawah rider ini akan terus melindungi anda sehingga ulang tahun polisi sebelum hari lahir ke-85 atau penamatan polisi asas atau rider.

Rider Pendapatan Hospital

Anda akan dibayar Manfaat Tunai Harian Rider Pendapatan Hospital yang dipilih seperti Jadual Manfaat berikut:

Jadual Manfaat

Jenis Kemasukan Hospital	Manfaat Tunai Harian				
	Pelan 1	Pelan 2	Pelan 3	Pelan 4	Pelan 5
Wad Biasa (maksimum 180 hari setiap keadaan)	RM50	RM100	RM150	RM200	RM400
ICU/CCU/NICU (maksimum 20 hari setiap keadaan)	RM100	RM200	RM300	RM400	RM800
Penghospitalan Luar Negara (maksimum 30 hari setiap keadaan)	RM50	RM100	RM150	RM200	RM400
Penghospitalan akibat Penyakit Berkaitan Kehamilan (maksimum 3 hari setiap keadaan)	RM50	RM100	RM150	RM200	RM400

Definisi Jenis Kemasukan Hospital

- **Penghospitalan wad biasa di dalam Malaysia** – anda akan dibayar Manfaat Tunai Harian yang dipilih sekiranya anda dimasukkan ke hospital sekurang-kurangnya 6 jam berturut-turut dan keadaan tersebut bukan penyakit berkaitan kehamilan.
- **Penghospitalan ICU/CCU/NICU di dalam Malaysia** – anda akan dibayar Manfaat Tunai Harian yang dipilih sekiranya anda dimasukkan ke dalam Unit Rawatan Rapi (ICU), Unit Rawatan Koronari (CCU) atau Unit Rawatan Rapi Neonatal (NICU) sekurang-kurangnya 6 jam berturut-turut dan keadaan tersebut bukan penyakit berkaitan kehamilan.
- **Penghospitalan Luar Negara** – anda akan dibayar Manfaat Tunai Harian yang dipilih sekiranya anda dimasukkan ke hospital di luar Malaysia disebabkan oleh kecemasan.
- **Penghospitalan Berkaitan Penyakit Kehamilan** – anda akan dibayar Manfaat Tunai Harian yang dipilih sekiranya anda dimasukkan ke hospital sekurang-kurangnya 6 jam berturut-turut disebabkan oleh penyakit berkaitan kehamilan.

Penghospitalan dalam tempoh 14 hari selepas penghospitalan terdahulu, bagi keadaan yang sama, akan dianggap sebagai penghospitalan yang sama bagi tujuan had yang dinyatakan di atas. Jumlah semua pembayaran manfaat di bawah rider ini adalah terhad kepada 365 hari.

Kelayakan dan Umur Tamat Tempoh

Anda layak untuk memohon Rider Pendapatan Hospital jika anda berumur sekurang-kurangnya 14 hari dan tidak lebih daripada 55 tahun. Manfaat-manfaat di bawah rider ini akan terus melindungi anda sehingga ulang tahun polisi sebelum hari lahir ke-70 atau penamatan polisi asas atau rider.

**Sebagai wanita,
banyak yang perlu
anda fikirkan.**

**Anak, suami, kerjaya
dan kesihatan.**

***1 daripada 31 wanita di Malaysia berisiko
menghidap kanser payudara.***

Sumber: The Sun Daily, 2014

Sebagai wanita, dalam kesibukan memberikan perhatian kepada orang yang tersayang, dan masa untuk membina kerjaya, selalunya menyebabkan kesihatan sendiri terabai. Kerana itu, rider wanita kami direka khas untuk menyediakan anda dengan sokongan yang diperlukan sekiranya anda didiagnosis dengan penyakit tertentu berkaitan wanita.

Rider Penyakit Wanita

Anda boleh menyertakan Rider Penyakit Wanita untuk memberikan anda manfaat berikut sekiranya menghidap penyakit berkaitan wanita:

a. Manfaat Penyakit Wanita

Anda akan dibayar Jumlah Yang Diinsuranskan Rider Penyakit Wanita apabila anda didiagnosis dengan salah satu daripada penyakit berkaitan wanita berikut dan bertahan sekurang-kurangnya 30 hari dari tarikh diagnosis. Jumlah manfaat yang akan dibayar di bawah manfaat ini adalah tertakluk pada 100% daripada Jumlah Yang Diinsuranskan Rider Penyakit Wanita.

Huraian	Manfaat yang dibayar sebagai peratus daripada Jumlah Yang Diinsuranskan Rider Penyakit Wanita
Kanser Wanita (Kanser payudara, serviks uteri, tiub fallopio, ovari, rahim atau vagina/vulva)	100%
Lupus Eritematosus Sistemik (SLE) dengan Lupus Nefritis	100%
Sebarang jenis Karsinoma-in-situ Wanita (Karsinoma-in-situ untuk payudara, serviks uteri, tiub fallopio, ovari, rahim atau vagina/vulva)	50%
Pembedahan sebarang jenis fibriod atau sista ovari	Jumlah RM3,000 sekaligus

b. Manfaat Pemulihan

Anda akan dibayar yang mana lebih rendah antara 30% daripada Jumlah Yang Diinsuranskan Rider Penyakit Wanita dan maksimum RM30,000 bagi sebarang pemulihan berdasarkan keadaan berikut:

- Keretakan Osteoporotik;
- Arthritis Reumatoid Teruk;
- Pembedahan Pembentukan Semula Wajah akibat kemalangan;
- Cantuman Kulit akibat Terbakar atau Kanser Kulit;
- Lumpektomi atau Mastektomi Payudara akibat Karsinoma-in-situ atau Kanser;
- Pembedahan Pembentukan Semula Payudara akibat Karsinoma-in-situ atau Kanser; atau
- Pembedahan membuang organ pembiakan wanita akibat Karsinoma-in-situ atau Kanser.

Syarat-syarat untuk pembayaran manfaat ini adalah 1 tuntutan setiap kejadian dengan maksimum 2 kejadian tuntutan. Jumlah bayaran di bawah manfaat ini adalah tertakluk kepada yang mana lebih rendah antara 60% daripada Jumlah Yang Diinsuranskan Rider Penyakit Wanita dan maksimum RM60,000.

c. Manfaat Lain

Anda akan dibayar yang mana lebih rendah antara 20% daripada Jumlah Yang Diinsuranskan Rider Penyakit Wanita dan maksimum RM30,000 bagi sebarang rawatan berdasarkan keadaan berikut:

- Amputasi Anggota akibat Komplikasi Diabetes Jenis Kedua;
- Nefropati Diabetik Teruk yang mengakibatkan kegagalan ginjal;
- Pembedahan untuk Retinopati Diabetes Jenis Kedua; atau
- Pembedahan penggantian sendi untuk artritis.

d. Manfaat Kesejahteraan

Anda akan dibayar RM200 sekiranya anda mengemukakan resit asal untuk pemeriksaan dan ujian kesihatan. Pembayaran di bawah manfaat ini adalah tertakluk pada maksimum 1 tuntutan setiap 2 tahun polisi dengan syarat bahawa polisi itu berkuat kuasa sekurang-kurangnya 2 tahun berturut-turut dan premium dibayar sepenuhnya.

Manfaat-manfaat ini hanya akan bermula selepas 60 hari pertama dari tarikh pengeluaran atau tarikh terakhir pengembalian semula rider ini, yang mana kemudian, kecuali:

- Lupus Eritematosus Sistemik (SLE) dengan Lupus Nefritis di mana tempoh menunggu adalah 30 hari pertama;
- Karsinoma-in-situ di mana tempoh menunggu adalah 120 hari pertama;
- Fibriod atau sista ovari di mana tempoh menunggu adalah 12 bulan pertama.

Tiada tempoh menunggu akan terpakai untuk apa-apa tuntutan di bawah Manfaat Pemulihan akibat kemalangan.

Rider Tambahan

Rider Kehamilan

Anda mempunyai pilihan untuk menambah Rider Kehamilan kepada Rider Penyakit Wanita anda dengan manfaat berikut:

a. Manfaat Penjagaan Kehamilan

Anda akan dibayar yang mana lebih rendah antara 25% daripada Jumlah Yang Diinsuranskan Rider Kehamilan yang dipilih dan maksimum RM25,000 apabila didiagnosis dengan salah satu komplikasi berikut:

- Koagulasi Intravaskular Tersebar (selepas 7 bulan kehamilan);
- Kandungan Luar Rahim;
- Hidatiform Molar (Kehamilan Molar);
- Eklampsia;
- Keguguran Lewat (antara minggu ke-18 dan 28 kehamilan);
- Kematian Fetus (selepas minggu ke-28 kehamilan);
- Kematian Anak (dalam 30 hari selepas kelahiran); atau
- Perdarahan Postpartum memerlukan Histerektomi (pembedahan perlu dilakukan dalam masa 60 hari dari tarikh kelahiran).

b. Manfaat Penjagaan Anak

Anda akan dibayar yang mana lebih rendah antara 25% daripada Jumlah Yang Diinsuranskan Rider Kehamilan yang dipilih dan maksimum RM25,000, jika anak yang baru lahir anda yang di bawah 1 tahun, disahkan menghidap komplikasi kongenital berikut dan bertahan sekurang-kurangnya 30 hari:

- Sindrom Down;
- Spina Bifida;
- Tetralogi Fallot;
- Lelangit Sumbing;
- Kecacatan Septum Ventrikel;
- Kecacatan Septum Atrial; atau
- Duktus Arteriosus Terbuka/Trunkus Arteriosus.

Manfaat ini hanya akan dibayar sekiranya didiagnosis komplikasi kehamilan, atau kelahiran anak yang berlaku selepas 1 tahun dari tarikh berkuat kuasa rider ini.

Rider Kehamilan ini akan ditamatkan sekiranya Rider Penyakit Wanita ditamatkan atau Manfaat Penjagaan Kehamilan atau Manfaat Penjagaan Anak telah dituntut. Pembayaran mana-mana manfaat tidak akan mengurangkan Jumlah Yang Diinsuranskan Rider Kehamilan.

Kelayakan dan Umur Tamat Tempoh

Anda layak untuk memohon Rider Penyakit Wanita jika anda berumur sekurang-kurangnya 17 tahun dan tidak lebih daripada 55 tahun dan untuk Rider Kehamilan jika anda berumur sekurang-kurangnya 17 tahun dan tidak lebih daripada 45 tahun. Manfaat-manfaat di bawah rider ini akan terus melindungi anda sehingga ulang tahun polisi sebelum hari lahir ke-70 untuk Rider Penyakit Wanita dan hari lahir ke-50 untuk Rider Kehamilan atau penamatan polisi asas atau rider.

Malangnya, penyakit kritikal menyerang kanak-kanak juga.

Setiap tahun, lebih daripada 250,000 kanak-kanak seluruh dunia didiagnosis dengan kanser.

Leukemia adalah kanser paling utama di kalangan kanak-kanak dan remaja yang menyumbang kepada hampir 1 daripada 3 kes kanser.

Sumber: American Childhood Cancer Organization dan American Cancer Society, 2015

Tiada siapa yang boleh menjamin bahawa anak-anak anda akan sentiasa sihat. Kami, walau bagaimanapun, boleh menjamin bahawa rider-rider juvenil kami boleh mengurangkan bebanan bil-bil perubatan mereka, dan memberikan anda akses kepada kemudahan penjagaan kesihatan yang lebih baik. Kami di sini bersedia membantu untuk mengurangkan kesusahan dan kebimbangan terhadap pemulihan mereka.

Rider Penyakit Kritikal Junior

Anda boleh menyertakan Rider Penyakit Kritikal Junior bagi anak anda untuk memberikan manfaat berikut sekiranya anak anda didiagnosis menghidap penyakit kritikal:

a. Manfaat Penyakit Kritikal Juvenil

Anda akan dibayar Jumlah Yang Diinsuranskan Rider Penyakit Kritikal Junior yang dipilih jika anak anda didiagnosis dengan salah satu daripada penyakit kritikal juvenil berikut dan bertahan sekurang-kurangnya 30 hari dari tarikh diagnosis:

1. Asma Teruk
2. Demam Reumatik dengan Kerosakan Injap
3. Penyakit Kawasaki dengan komplikasi jantung
4. Epilepsi Teruk
5. Ensefalitis Infantil
6. Leukemia
7. Pemandahan Sumsum Tulang
8. Diabetes Melitus yang bergantung kepada Insulin
9. Gangguan Intelektual akibat penyakit dan kemalangan
10. Sindrom Nefrotik Berulang Teruk
11. Arthritis Reumatoid Juvenil Teruk
12. Pembedahan Otak
13. Demam Denggi Berdarah Teruk
14. Gangguan Autistik
15. Meningitis Bakteria

b. Manfaat Pemulihan

Anda akan dibayar 5% daripada Jumlah Yang Diinsuranskan Rider Penyakit Kritikal Junior yang dipilih jika anak anda dimasukkan ke hospital sekurang-kurangnya 3 hari berturut-turut bagi penyakit yang disebabkan oleh penyakit kritikal yang disenaraikan dalam Manfaat Penyakit Kritikal Juvenil. Manfaat ini boleh dituntut dalam tempoh 6 bulan selepas pembayaran bagi tuntutan penyakit kritikal.

Rider ini akan ditamatkan selepas 100% daripada Manfaat Penyakit Kritikal Juvenil atau Manfaat Pemulihan telah dibayar, yang mana terkemudian.

Kelayakan dan Umur Tamat Tempoh

Anak anda layak untuk memohon Rider Penyakit Kritikal Junior jika anak anda berumur sekurang-kurangnya 14 hari dan tidak lebih daripada 15 tahun. Manfaat-manfaat di bawah rider ini akan terus melindungi anak anda sehingga ulang tahun polisi sebelum hari lahir anak anda ke-18 atau penamatan polisi asas atau rider.

Manfaat Penjagaan Anak

Anda akan dibayar pendapatan bulanan sehingga 3% daripada Jumlah Yang Diinsuranskan polisi asas yang dipilih apabila berlaku kematian atau Hilang Upaya Menyeluruh dan Kekal (HUMK). Pendapatan bulanan akan bermula 1 bulan selepas tarikh kematian atau HUMK, dan akan ditamatkan dengan bayaran akhir sebelum tarikh tamat rider. Rider ini hanya boleh dilampirkan ke pelan juvenil.

Kelayakan dan Umur Tamat Tempoh

Anak anda layak untuk memohon Rider Manfaat Penjagaan Anak jika anda berumur sekurang-kurangnya 19 tahun dan tidak lebih daripada 55 tahun dan anak anda berumur sekurang-kurangnya 3 bulan dan tidak lebih daripada 15 tahun. Manfaat di bawah rider ini akan terus melindungi anda sehingga ulang tahun polisi sebelum hari lahir anda ke-65 atau sebelum hari lahir ke-25 anak anda, yang mana lebih awal, atau penamatan polisi asas atau rider.

Setiap masa, kita berhadapan dengan risiko kematian atau kecederaan akibat kemalangan.

Setiap 60 minit, seorang rakyat Malaysia maut akibat kemalangan jalan raya.

Sumber: Polis Diraja Malaysia dan Jabatan Pengangkutan Jalan, 2013

Kecederaan kritikal mungkin boleh memusnahkan impian yang telah anda usahakan. Ia juga boleh menyebabkan anda menanggung bil-bil perubatan dan kerosakan yang berkaitan melebihi apa yang anda mampu. Melindungi diri anda, dan impian anda, akan menjadi mudah dan murah dengan rider kemalangan kami. Ia mempersiapkan anda untuk menghadapi kejadian yang tidak dijangka, memastikan bahawa semua persediaan kewangan yang diperlukan akan tersedia apabila kejadian yang tidak diingini berlaku.

Rider Kemalangan

Anda boleh menyertakan Rider Kemalangan untuk manfaat berikut sekiranya berlaku kemalangan:

a. Manfaat Kematian atau Kehilangan Upaya Kekal Akibat Kemalangan

Anda akan dibayar mengikut peratusan daripada Jumlah Yang Diinsuranskan Rider Kemalangan, berdasarkan kesan daripada kemalangan, seperti yang dinyatakan dalam jadual berikut:

Kesan Kemalangan	Manfaat yang dibayar sebagai peratusan daripada Jumlah Yang Diinsuranskan Rider Kemalangan
Kematian	100%
Hilang dua atau lebih anggota di antara pergelangan tangan dan bahu untuk tangan atau di antara buku lali dan pinggul untuk kaki	100%
Hilang penglihatan kedua-dua mata yang menyeluruh dan tidak boleh dipulihkan	100%
Hilang penglihatan sebelah mata yang menyeluruh dan tidak boleh dipulihkan dan hilang satu anggota di antara pergelangan tangan dan bahu untuk tangan atau di antara buku lali dan pinggul untuk kaki	100%
Hilang satu anggota di antara pergelangan tangan dan bahu untuk tangan atau di antara buku lali dan pinggul untuk kaki	60%
Hilang penglihatan sebelah mata yang menyeluruh dan tidak boleh dipulihkan	60%
Hilang pendengaran kedua-dua telinga yang menyeluruh dan tidak boleh dipulihkan	60%
Hilang kebolehan bertutur yang menyeluruh dan tidak boleh dipulihkan	60%
Hilang ibu jari dan jari telunjuk di antara sendi buku jari dan hujung jari untuk mana-mana belah tangan	25%

Rider ini akan tamat apabila sebarang pembayaran untuk Manfaat Kematian atau Hilang Upaya Kekal Akibat Kemalangan dibuat.

b. Manfaat Indemniti Berganda

Anda akan dibayar Jumlah Yang Diinsuranskan Rider Kemalangan yang dipilih sekiranya berlaku kejadian berikut:

- Kemalangan semasa anda menaiki pengangkutan darat awam yang berlesen komersial sebagai penumpang yang membayar tambang di laluan yang ditetapkan, seperti bas atau kereta api (selain daripada teksi, kenderaan sewa, atau pesawat udara), atau
- Kemalangan semasa anda berada di dalam lif atau kereta kabel (tidak termasuk yang digunakan di lombong dan di tapak pembinaan) diperakui dengan sewajarnya untuk membawa penumpang; atau
- Kemalangan secara langsung akibat kebakaran di dalam bangunan awam seperti hotel, teater atau panggung wayang, semasa anda berada di dalamnya.

c. Manfaat Tunai Ihsan

Anda akan dibayar yang mana lebih rendah antara 5% daripada Jumlah Yang Diinsuranskan Rider Kemalangan yang dipilih dan maksimum RM5,000 sekiranya berlaku kematian yang disebabkan oleh semua punca.

d. Manfaat Peralatan Perubatan dan Alat Bantuan Pergerakan

Anda akan dibayar RM150 bagi setiap kemalangan untuk membeli peralatan perubatan atau alat bantuan pergerakan (seperti tongkat, kerusi roda, pendakap lutut, orthotics, atau splin) yang diperlukan akibat kemalangan tersebut.

Rider Tambahan

Anda boleh memilih untuk menambah rider tambahan berikut kepada Rider Kemalangan anda:

Rider Pembayaran Balik Perubatan Akibat Kemalangan

Anda akan dibayar jumlah yang tidak melebihi 6% daripada Jumlah Yang Diinsuranskan Rider Kemalangan yang dipilih untuk membayar balik perbelanjaan perubatan termasuk pembedahan, hospital, klinik dan perbelanjaan perkhidmatan kejururawatan di rumah yang diperlukan untuk kecederaan anggota badan akibat kemalangan.

Rider Indemniti Akibat Kemalangan

Rider ini akan memberikan anda manfaat berikut:

• Manfaat Indemniti Hospital Akibat Kemalangan

Anda akan dibayar RM8.50 sehari, bagi setiap RM10,000 daripada Jumlah Yang Diinsuranskan Rider Kemalangan untuk setiap penghospitalan yang disebabkan oleh kemalangan melebihi 6 jam berturut-turut dan bermula dalam tempoh 36 jam dari waktu kemalangan. Jumlah bayaran di bawah manfaat ini untuk semua kesan kemalangan adalah terhad kepada 25 minggu sepanjang tempoh rider.

• Manfaat Indemniti untuk Hilang Upaya Separa Akibat Kemalangan

Anda akan dibayar RM3.50 sehari, bagi setiap RM10,000 daripada Jumlah Yang Diinsuranskan Rider Kemalangan apabila layak mendapat cuti sakit yang disahkan untuk sekurang-kurangnya 3 hari berturut-turut akibat kemalangan. Bayaran tersebut terhad kepada RM1,000 setiap minggu, dan jumlah bayaran di bawah manfaat ini adalah untuk semua kesan kemalangan dan terhad kepada 52 minggu sepanjang tempoh rider.

Sekiranya anda memilih kedua-dua Rider Pendapatan Hospital bersama dengan Rider Indemniti Akibat Kemalangan, bayaran manfaat yang lebih tinggi akan dibayar.

Rider HUMK Lanjutan Akibat Kemalangan

Anda akan dibayar Jumlah Yang Diinsuranskan Rider Kemalangan yang dipilih untuk Hilang Upaya Menyeluruh dan Kekal (HUMK) akibat kemalangan. HUMK mestilah sekurang-kurangnya 6 bulan berturut-turut. Jumlah yang dibayar kepada anda di bawah rider ini dan Rider Kemalangan adalah tertakluk pada jumlah maksimum sebanyak RM1 juta.

Kelayakan dan Umur Tamat Tempoh

Anda layak untuk memohon Rider Kemalangan dan rider-rider tambahannya jika anda berumur sekurang-kurangnya 14 hari dan tidak lebih daripada 55 tahun. Manfaat-manfaat di bawah rider ini akan terus melindungi anda sehingga ulang tahun polisi sebelum hari lahir ke-70, kecuali Rider HUMK Lanjutan Akibat Kemalangan iaitu pada ulang tahun polisi sebelum hari lahir ke-65 atau penamatan polisi asas atau rider.

Rider Pengecualian Premium

Apabila keadaan menjadi semakin sukar, ia tidak seharusnya berterusan. Rider Pengecualian Premium berikut memastikan bahawa anda dan orang yang anda sayangi tetap dilindungi, walaupun anda tidak dapat meneruskan bayaran premium anda.

Pengecualian Premium ke atas Diagnosis Penyakit Kritikal

Anda tidak perlu membayar premium yang akan datang bagi polisi asas dan rider-rider sehingga habis tempoh rider (kecuali Medical Plus; dan sebarang rider berkenaan penyakit kritikal dan rider-rider pengecualian premium yang lain, jika ada, yang kemudiannya akan ditamatkan), sekiranya anda didiagnosis dengan salah 1 daripada 35 Penyakit Kritikal yang dilindungi (kecuali Angioplasti dan Rawatan Invasif Lain untuk Penyakit Arteri Koronari).

Kelayakan dan Umur Tamat Tempoh

Anda layak untuk memohon Rider Pengecualian Premium ke atas Diagnosis Penyakit Kritikal jika anda berumur sekurang-kurangnya 19 tahun dan tidak lebih daripada 53 tahun. Manfaat di bawah rider ini akan terus melindungi anda sehingga ulang tahun polisi sebelum hari lahir ke-60 atau penamatan polisi asas atau rider.

Pengecualian Pembayar ke atas Kematian, Hilang Upaya Menyeluruh & Kekal dan Penyakit Kritikal

Anda tidak perlu membayar premium yang akan datang bagi polisi asas dan rider-rider sehingga habis tempoh rider (kecuali Medical Plus; Rider Manfaat Penjagaan Anak dan rider-rider pengecualian premium yang lain, jika ada, yang kemudiannya akan ditamatkan), sekiranya anda meninggal dunia, hilang upaya menyeluruh dan kekal atau didiagnosis dengan salah 1 daripada 35 Penyakit Kritikal yang dilindungi (kecuali Angioplasti dan Rawatan Invasif Lain untuk Penyakit Arteri Koronari). Rider ini hanya boleh disertakan kepada pelan juvenil.

Kelayakan dan Umur Tamat Tempoh

Anda layak untuk memohon Rider Pengecualian Pembayar ke atas kematian, HUMK dan Penyakit Kritikal jika anda berumur sekurang-kurangnya 19 tahun dan tidak lebih daripada 53 tahun dan anak anda berumur tidak lebih daripada 18 tahun. Manfaat di bawah rider ini akan terus melindungi anda sehingga ulang tahun polisi sebelum hari lahir ke-60 atau hari lahir ke-25 anak anda, yang mana lebih awal atau penamatan polisi asas atau rider.

Pengecualian Utama

Bagi memastikan manfaat anda adalah berpatutan, manfaat-manfaat tersebut tidak akan dibayar dalam keadaan berikut:

- **Manfaat Kematian tidak akan dibayar** sekiranya Orang Yang Diinsuranskan, semasa waras atau tidak waras, membunuh diri dalam tempoh 1 tahun dari tarikh pengeluaran atau tarikh terakhir pengembalian semula polisi, liabiliti kami adalah terhad untuk mengembalikan jumlah premium yang telah dibayar, tanpa faedah.
- **Manfaat Hilang Upaya Menyeluruh dan Kekal, Penyakit Kritikal, Perubatan dan Kemalangan tidak akan dibayar sekiranya berlaku:**
 - Penyertaan dalam apa-apa perbuatan jenayah atau menyalahi undang-undang, pemogokan, rusuhan atau kekecohan awam;
 - Penyertaan dalam sukan, aktiviti yang berisiko atau berbahaya, atau penerbangan (kecuali sebagai penumpang yang membayar tambang atau anak-anak kapal dalam laluan biasa yang dikendalikan oleh syarikat penerbangan komersial);
 - Penggunaan alkohol atau dadah;
 - Provokasi fizikal yang ganas oleh Orang Yang Diinsuranskan yang menyebabkan maklum balas yang serupa kepada kecederaan;
 - Penyedutan racun, gas atau wasap; atau
 - Kecederaan yang disengajakan oleh diri sendiri, kegagalan untuk mematuhi nasihat perubatan, atau penangguhan yang tidak munasabah dalam mendapatkan rawatan perubatan.
- **Manfaat Penyakit Kritikal dan Perubatan tidak akan dibayar bagi** keadaan yang telah wujud sebelum pengeluaran atau pengembalian semula polisi ini, jangkitan HIV/AIDS, atau penyakit kelamin.
- **Manfaat Penyakit Kritikal tidak akan dibayar** sekiranya penyakit yang dilindungi berlaku dalam tempoh 60 hari pertama selepas pengeluaran atau pengembalian semula polisi.
- **Manfaat perubatan tidak akan dibayar bagi:**
 - Apa-apa keadaan yang berlaku dalam tempoh 30 hari pertama selepas pengeluaran atau pengembalian semula polisi;
 - Pelbagai penyakit yang ditetapkan yang berlaku dalam tempoh 120 hari pertama selepas pengeluaran atau pengembalian semula polisi ini;
 - Sebarang rawatan atau caj yang tidak munasabah, bukan keperluan dari segi perubatan, kosmetik, diagnostik (kecuali yang menyebabkan kemasukan hospital atau pembedahan), percubaan, pencegahan, atau yang serupa;
 - Sebarang rawatan untuk tidur, mata, atau gigi kecuali rawatan pergigian adalah berkaitan dengan kemalangan yang memerlukan rawatan hospital;
 - Kos ubat melalui kaunter, prostetik, rehat pulih, kebersihan, pendermaan organ atau tisu otot, kehamilan, kemandulan, prosedur menukar jantina, perancang keluarga, pensterilan, berkhatan, atau kelahiran/kongenital/keadaan keturunan;
 - Psikiatri, keadaan yang berkaitan dengan mental atau sistem saraf; atau
 - Manfaat-manfaat yang dilindungi oleh sijil atau polisi perubatan yang lain.

Senarai di atas tidak menyeluruh, sila rujuk kepada kontrak polisi untuk senarai penuh pengecualian. Sekiranya anda memerlukan maklumat lanjut mengenai maklumat di atas, atau ingin membeli pelan ini, sila minta Helaian Pendedahan Produk dan Ilustrasi Jualan daripada ejen Etiqa Insurance, atau hubungi Etiqa Online di talian 1300 13 8888.

Maklumat Dan Pendedahan Penting

1. Brosur ini tidak boleh dianggap sebagai kontrak atau komitmen. Maklumat yang terkandung dalam brosur ini boleh dipinda tanpa sebarang notis terlebih dahulu.
2. Sebelum membeli pelan ini, anda perlu memahami kontrak polisi dengan baik bagi memastikan ianya memenuhi keperluan anda dengan sebaiknya dan premium yang perlu dibayar adalah mengikut kemampuan anda.
3. Anda diberi tempoh tangguh selama 31 hari dari tarikh akhir bayaran premium untuk membuat pembayaran premium. Anda harus meneruskan pembayaran premium anda secara tetap sehingga pelan anda matang untuk memastikan bahawa anda kekal layak untuk manfaat. Kegagalan untuk berbuat demikian boleh menamatkan perlindungan anda dengan lebih awal dari sepatutnya.
4. Sekiranya anda menyerahkan kontrak polisi pada tahun-tahun awal, anda mungkin akan menerima jumlah yang kurang berbanding dengan jumlah yang telah anda bayar.
5. Kami berhak untuk meminda premium, fi-fi dan caj-caj polisi ini, kecuali polisi asas, dengan memberi notis 3 bulan terlebih dahulu (kecuali notis 30 hari bagi rider perubatan) dan pindaan tersebut akan berkuat kuasa pada tarikh ulang tahun polisi yang berikutnya. Kadar premium boleh meningkat disebabkan inflasi kos perubatan, penukaran pengawalseliaan atau peraturan cukai, kemerosotan pengalaman tuntutan portfolio dan lain-lain faktor luaran/persekitaran yang tidak lengkap.
6. Pertukaran daripada satu pelan kesihatan yang sedia ada ke pelan kesihatan yang lain mungkin tidak memanfaatkan anda, kerana anda mungkin tertakluk pada keperluan pengunderaitan baru, tempoh menunggu sepenuhnya dan mana-mana tempoh berkenaan untuk pengecualian penyakit tertentu/keadaan sedia ada yang tercatat dalam polisi baharu.
7. Anda mempunyai hak untuk membatalkan pelan ini, dengan menghantar arahan bertulis kepada kami dalam masa 15 hari selepas anda menerima kontrak polisi. Sekiranya anda memilih untuk membatalkan dalam masa 15 hari, kami akan membayar balik premium yang telah diterima, tolak kos pemeriksaan perubatan yang ditanggung.
8. Pelan ini mungkin melayakkan anda untuk mendapat pelepasan cukai peribadi. Ianya tertakluk pada keputusan muktamad Lembaga Hasil Dalam Negeri Malaysia.
9. Jika anda memerlukan maklumat tambahan mengenai Insurans Hayat dan Insurans Perubatan dan Kesihatan, sila rujuk kepada risalah *Insuranceinfo* tentang 'Insurans Hayat' dan 'Insurans Perubatan dan Kesihatan' yang boleh didapati di semua cawangan kami atau anda boleh mendapatkan salinannya daripada ejen Etiqa Insurance atau kunjungi www.insuranceinfo.com.my.
10. Semua premium (jika berkenaan) akan tertakluk pada caj-caj atau cukai-cukai yang berkenaan sebagaimana yang dianggap perlu oleh pihak berkuasa cukai Malaysia.
11. Ia adalah penting untuk menyimpan setiap resit yang telah anda terima sebagai bukti pembayaran premium.

Etiqua Online 1300 13 8888
www.etiqua.com.my



 www.facebook.com/etiqua

Etiqua Life Insurance Berhad (201701025113)
(Dilesenkan di bawah Akta Perkhidmatan Kewangan
2013 dan dikawal selia oleh Bank Negara Malaysia)

Dataran Maybank, No. 1, Jalan Maarof,
59000 Kuala Lumpur, Malaysia
T +603 2297 3888 **F** +603 2297 3800

eTiQa

Insurans Hayat